



Inatsisartunut ilaasortaq
Sara Olsvig

Asasara Sara Olsvig

Inatsisartut suleriaasianni § 37 naapertorlugu Naalakkersuisunut makkuninnga
apeqqutilliisimavutit:

1. Aatsitassanik qinngornernik ulorianartortalinnik akuersaannginnerup
unitsinneqarnissaa Naalagaffeqatigiit ataatsimoorlutik susassaqarfigigaat danskit
Naalakkersuisuisa aammalu Folketingimi partiit amerlanersaasa
nalunaarutigeriigaat Naalakkersuisunit qanoq isumaqarfigineqarpa?
2. Apeqqut tamanna pillugu Naalakkersuisut danskit naalakkersuisuinut
oqaloqatiginnissuteqarpat?

Statsministerip Finn Sørensenimit (EL) akineqarnissaanut kissaatigineqartutut apeqqutip
nr. 81-ip (GRU alm. del) akissutigisaa tunngavigissavara.

Apeqqummut statsministeri imatut akissuteqarsimavoq:

"Akissut:

*Namminersornermut inatsimmi § 1-ip malitsigisaanik namminersorlutik oqartussat
isumagisaqarfittut tiguneqartuusut iluanni inatsisiliorsinnaatitaallutillu inatsisinik
atortitsisuusut ilisimatitsissutigissavara. Kalaallit Nunaat aatsitassarsiortoqarfimmik
tigusinnissimavoq, taamaalillutillu namminersorlutik oqartussat uranitalinnik
piiaaqqusinngilluinnarnerup, aatsitassanik radioaktiviusunik piiaanissamut
inerteqqummik nassataqartuusup atorunnaarsinneqarsinnaanera pillugu
aalajangiinissaminnut piginnaaffeqarput.*

*Apeqqutip akinissaanut atugassaminik Nunanut allanut Ministereqarfimmit
oqaaseqaammik matuminnga Statsministereqarfik pissarsiniarsimavoq:*

*"Statsministerip akissutaanut ilaliullugu uranimut aatsitassanillu radioaktiviusunik allanut
tunngasunik iliuuserisat naalagaaffimmi isumannaallisaanermut illersornermullu
politikkimut, naalagaaffiusup suliarisaanut aamma attuumassuteqarsinnaanerat
oqaatigineqarsinnaavoq. Taamaattumik uranimik piiaaqqusinngilluinnarnermik
tunngavigisamik atorunnaarsitsinissaminik Kalaallit Nunaat kissaatigisaqarpat
pisoqassappat naalagaaffimmi nalinginnaasumik nunanut allanut*

29-04-2013
Sags nr. 2013-833319

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl


isumannaallisaanermullu politikkip, ilanngullugillu immikkoortoqarfiusumi nunani tamalaani najoqqutarisanik naapertuutsitsisoqarnerup tulluartautinnaat isumannaarnissaat siunertaralugu apeqqummik naalagaaffik naalakkersuisunik oqaloqatiginnissaaq.

Tassunga atatillugu maluginiarneqarpoq Kalaallit Nunaanni naalakkersuisut suleqatigiinnissamik isumaqatigiissummi 26. marts 2013-imeersumi isumaqatigiisutigineqarsimammat "aatitassanut uranitaliinnut piiaaqqusinngilluinnarnissaq atorunnaarsinneqassasoq. Tamanna peqqissuseq, pinngortitaq avatangiisillu sianigalugit pissaaq."

Uranitalinnik piiaaqqusinngilluinnarnermik tunngavigisap atorunnaarsinnissaa, aammalu uranimik aatsitassanillu radioaktiviunuk allanik piiaanermut avammullu tunisinermut periarfissaqarneq pillugit aalajangiussisinnaanermut kingunerisassat pillugit paasiniaanermik sulineq naalagaaffiup aallartisarsimagaa oqaatigineqarsinnaavoq. Sulinermit, 2013-imi aasaq sioqqullugu nalunaarusiaagallartumik kinguneqartussat naatsorsuutigineqartumi Kalaallit Nunaanni namminersorlutik oqartussat peqataapput. (Danmarkimi) Naalakkersuisut Folketingi tamanna pillugu ilisimatissavaat."

Statsministerip akissutigisaa isumaqatigaara, tamannalu aamma illit apeqqutigisannut akissutaavoq naleqquttoq. Tamanna ilutigalugu uranitalinnik piiaaqqusinngilluinnarnermik tunngavigisap aturunnaarsinnissaa, aammalu uranimik aatsitassanillu radioaktiviunuk allanik piiaanermut avammullu tunisinermut periarfissaqarneq pillugit aalajangiussisinnaanermut kingunerisassat pillugit paasiniaanermik sulinermit aallartisakkamut Kalaallit Nunaanni Namminersorlutik Oqartussat peqataanerat uppernarsassavara.

Inussiarnersumik inuulluqqusilluta



Jens-Erik Kirkegaard



Nuuk, 16. april 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Sara Olsvig, Inuit Ataqatigiit)

Apeqqutit:

- 1. Aatsitassanik qinngornernik ulorianartortalinnik akuersaannginnerup unitsinneqarnissaa Naalagaffeqatigiit ataatsimoorlutik susassaqarfigigaat danskit Naalakkersuisuisa aammalu Folketingimi partiit amerlanersaasa nalunaarutigeriigaat Naalakkersuisunit qanoq isumaqarfigineqarpa?**
- 2. Apeqqut tamanna pillugu Naalakkersuisut danskit naalakkersuisuinut oqaloqatiginnissuteqarpat?**

Tunngavilersuut:

Aatsitassanik qinngornernik ulorianartortalinnik akuersaannginnerup unitsinneqarnissaa aammalu aatsitassanik qinngornernik ulorianartortalinnik Nunarput avammut tunisassiu-lissasoq Naalakkersuisut ilimasaarutigereerpaat. Aatsitassat allat qallorneqarnermikkut sillimaniarnikkut mianernarsinnaasut assigalugit, aatsitassanik qinngornernik ulorianartortalinnik piaaneq passussinerlu nunanut allanut sillimaniarnikkullu politikkeqarnermut kal-luaasarput. Aatsitassat ilai eqqarsaatigalugit taamaammat isumaqarnarpoq taamaattut ilaat naalagaffeqatigiit ataatsimut susassaqarfigissagaat.

Pissutsilli taamaakkaluartut Naalakkersuisut nalunaaruteqareerput, assersuutigalugu uran-imik piaanissaq naalagaffeqatigiit ataatsimut susassaqarfigisarinnikkaat. Danskit partiivisa danskillu naalakkersuisuisa apeqqut tamanna pillugu ersarilluinnartumik isummereersima-nerat eqqarsaatigalugu taamaammat soqutiginassaaq tusagaqarfigissallugu tamanna Naa-lakkersuisut qanoq isumaqarfigineraat.